


廣廣文選

九

盟誓類 冊文類
勅類 誥類


漢書門			
二九	二四	二〇	二六
冊	架	函	號





二〇八六
二四
二九

總集 十号

內閣文庫	
番號	漢 11086
冊數	25(10)
函號	361 41





廣廣文選卷之九

淺草文庫

四明 周應治 纂

嶺南門人彭必鳴校

表



請錄王濬後表

桓 温

臣聞崇德賞功為政之所先興滅繼絕百王之所務故德叅時雍則奕世承祀功烈一代則永錫祚胤案故撫軍王濬歷職內外任兼文武料敵制勝明勇獨斷義存社稷之利不顧專輒之罪荷戈長

廣府志卷之九
表卷之九
驚席捲萬里僭號之吳面縛象魏今皇澤被於九州玄風洽於區外襄陽之封廢而莫續恩寵之號墜於近嗣遐邇酸懷臣竊悼之濬今有二孫年出六十室如懸磬糊口江濱四節蒸嘗菜羹不給昔漢高定業求樂毅之嗣世祖旌賢建諸葛之胤夫效忠異代立功異國尚通天下之善使不泯棄况濬建元勳於當年著嘉慶於身後靈基託根於南垂皇祚中興於江左舊物克彰神器重耀豈不由伊人之功力也哉誠宜加恩少垂矜憫追錄舊勳

纂錫茅土則聖朝之恩宣暢於上忠臣之志不墜于地矣

上求賢表

謝莊

臣聞功照千里非特燭車之珍德柔鄰國豈徒秘璧之貴故詩稱殄悴誓述榮懷用能道臻無積化至恭已伏惟陛下膺慶集圖締寓開縣夕爽選政是旦調風采言廝輿觀謠及遠斯實辰階告平頌聲方製臣竊惟隆陂所漸治亂之由何嘗不興資得才替因失士故楚書以善人為寶虞典以則哲

廣曆文選 卷之六
為難進選之軌既弛中代登造之律未闡當今必
欲崇本康務庇民濟俗匪更德懣奚取九成升曆
中陽英賢起於徐沛受錄白水茂異出於荆宛寧
二都智之所產七隩才之所集實遇與不遇用與
不用耳今大道光亨萬務俟德而九服之曠九流
之艱提鈞懸衡委之選部一人之鑒易限而天下
之才難原以易限之鑒鏡難原之才使國罔遺受
野無滯器其可得乎昔公叔與僕同升管仲取臣
於盜趙文非親士踈嗣祈奚豈諂讎比子茹茅以

彙作範前經舉爾所知式昭往牒且自古任薦賞
罰弘明成子舉三哲而身致魏輔應侯任二士而
已捐秦相曰季稱冀缺而疇以田采張敦進陳湯
而坐以褫爵此先事之盛准亦後王之彞鑒如臣
愚見宜普命大臣各舉所知以付尚書依分銓用
若任得其才據主延賞有不稱職宜及其坐重者
免黜輕者左遷被舉之身加以禁錮年數多少隨
愆議制若犯大辟則任者刑論又政平訟理莫先
親民親民之要寔歸守宰故黃霸治潁州累稔杜

廣曆文選 卷之九
畿居河東歷載或就加恩秩或入崇輝寵今蒞民
之職自非公私必應代換者宜遵六年之制進獲
章明庸墮退得民不勤擾如此則下無浮謬之愆
上靡棄能之累考績之風載泰植薪之歌克昌臣
生屬亨路身漸鴻猷遂得奉詔左右陳愚於側敢
露芻言懼氛恒典

上太祖表

劉善明

周以三聖相資再駕乃就漢值海內無主累敗方
登魏挾主行令實踰二紀晉廢立持權遂歷四世

景祚攸集如此之難者也陛下凝暉自天照湛神
極睿周萬品道洽無垠故能高嘯閑軒鯨鯢自翦
垂拱雲帟九服載晏靡一戰之勞無半辰之棘苞
池江海籠苑嵩岱神祇樂推普天歸奉二三年間
允膺寶命胄臨皇曆正位宸居開辟以來未有若
斯之盛者也夫常勝者無憂恒成者好怠故雖休
勿休姬旦作誥安不忘危尼父垂範今皇運草創
萬化始基乘宋季葉政多澆苛億兆倒懸仰齊蘇
振臣早蒙殊養志輸肝血徒有其誠曾闕埃露夙

宵慙戰如墜淵谷不識忌諱謹陳愚管管瞽言芻議
伏待斧鉞所陳事九十一條

求致仕表

虞玩之

臣聞負重致遠力窮則困竭誠事君智盡必傾理
固然也四十仕進七十懸車壯則驅馳老宜休息
臣生於晉長於宋老於齊世歷三代朝市再易臣
以宋元嘉二十八年爲王府行佐於茲三十年矣
自頃以來衰耗漸篤爲性不懶惰而倦怠頓來耳
目本聰明而聾瞶轉積脚不支身喘不緒氣景刻

不推朝晝不保大功兄弟四十有二人通塞壽夭
唯臣獨存朝露未光寧堪長久且知足不辱臣已
足矣稟命饑寒不求富貴銅山由命臣何恨焉久
其之矣直道事人不免縲紲屬遇聖明知其非罪
臣之幸厚矣授命於道消之晨効節於百揆之日
臣忠之効也慶降於文明之初荷澤於天飛之運
臣命之偶也不謀巧宦而位至九卿德慙李陵而
忝居門下堯舜無窮臣亦通矣年過六十不爲天
矣榮期之三樂東平之一善臣俱盡之矣經昏踐

亂涉艱履危仰聖德以求全憑賢輔以申節未嘗
厭屈於勲權長溺於狐鼠臣立身之本於斯不虧
方其壯也當官不讓及其衰矣豪露靡因伏願慈
臨賜臣骸骨非為希高慕古愛好泉林特以丁運
孤貧養禮多闕風樹之感夙自纏心庶天假其辰
得二三年間掃守丘墓以此歸全始終之報遂矣

論北虜表

南齊書二十九

孔稚珪

匈奴為患自古而然雖三代智勇兩漢權竒算略
之要二塗而已一則鐵馬風馳奮威沙漠二則輕

車出使通驛虜庭摧而言之優劣可覩今之議者
咸以丈夫之氣耻居物下况我天威寧可先屈吳
楚勁猛帶甲百萬截彼鯨鯢何往不碎請和示弱
非國計也臣以為戎狄獸性本非人倫鳴狼踞
不足喜怒蜂目蠆尾何關美惡唯宜勝之以深權
制之以遠竿弘之以大度處之以蠹賊豈足肆天
下之忿捐蒼生之命發雷電之怒爭蟲鳥之氣百
戰百勝不足稱雄橫尸千里無益上國而蟻聚蠶
攢窮誅不盡馬足毛群難與競逐漢高橫威海表

廣文選 卷之六
窘迫長圍孝文國富刑清事屈陵辱宣帝撫納安
靜朔馬不驚光武卑辭厚禮寒山無靄是兩京四
主英濟中區輸寶貨以結和遣宗女以通好長轡
遠馭子孫是賴豈不欲戰惜民命也唯漢武籍五
世之資承六合之富驕心奢志大事匈奴遂連兵
積歲轉戰千里十亡其九故衛霍出關千隊不反
貳師入漢百旅頓降李廣敗於前鋒李陵沒於後
陣其餘奔北不可勝數遂使國儲空懸戶口減半
好戰之功其利安在戰不及和相去何若自西朝

不網東晉遷鼎群胡沸亂羗狄交橫荆棘攢於陵
廟豺虎咆於宮闈山淵反覆黔首塗地逼迫崩騰
開闢未有是時得失路不稍陳近至元嘉多年無
事未路不量復挑疆敵遂廼連城覆徙虜馬飲江
青徐州之際草木爲人耳建元之初胡塵犯塞永
明之始復結通和十餘年間邊侯且息陛下張天
造曆駕日登皇聲雷宇宙勢壓河岳而封豕殘魂
未屠劍首長蛇餘喘偷窺外甸烽亭不靜五載於
斯昔歲蟻壞癘食樊漢今茲蟲毒浸淫未已興師

廣文選 卷之九 七
十萬日費千金五歲之費寧可貲計陛下何惜匹
馬之驛百金之賂數行之詔誘此凶頑使河塞息
有關境全命蓄甲養民以觀彼弊我策若行則為
不世之福若不從命不過如戰失一隊耳或云遣
使不受則為辱命夫以天下為量者不計細耻以
四海為任者寧顧小節一城之沒尚不足惜一使
不反曾何取慙且我以權取責得我畧行何嫌其
耻所謂尺蠖之屈以求伸也臣不言遣使必得和
自有可和之理猶如欲戰不必勝而有可勝之機

耳今宜早發大軍廣張兵勢徵犀甲於岷峨命樓
船於浦海使自清徂豫侯騎星羅汾江入漢雲陣
萬里據險要以奪其魂斷糧道以折其膽多設疑
兵使精悉而計亂固列金湯使神茹而慮屈然後
發策詔馳輕驛辯辭重弊陳列吉凶北虜頑而愛
奇貪而好古畏我之威喜我之賂畏威喜賂願和
必矣陛下用臣之啓行臣之計何憂王門之下而
無款塞之胡哉彼之言戰既殷勤臣之言和亦慊
闊伏願察兩塗之利害檢二事之多少聖照玄省

廣文選
灼然可斷所表謬奏希下之朝省使同博議臣謬
荷殊恩奉佐侯岳敢肆瞽直伏奏千里

為蕭驃騎讓封第三表

江淹

臣某言臣再抽慊請辭為理屈側守圭漏伏望衷
鑑而宸締嚴祕襟棕徒懸優獎之降非復常旨肅
奉驚懷曠曉如失中謝臣炤冊訪古訟史稽昔以為
敷道之寄管物成務惣錄之重匡績毗風莫不下
協河岳上踵光緯先王所以長世後春所以字氓
讚金圖之要輔樞曆之機者也臣本瑣姿不慕聞

達昔值英世頻遘時來感激光私未能自返烏可
超乘厚任妄據高圖天道既平鬼神好讓臣亦何
人而獨斯慶所以不恤色忤頻犯鴻威者正以方
圓之景已滿丹彩之色難加政能緯俗匪務傍職
坐而燮道必在其人若臣武未燭韃橐之分文不
謁樽俎之間德非時秀道乖物宗虛飾疲伍空貽
上位則天變彰於飛沅地肯見于震駭驚蕩民聽
蕪沮物議綸言之出不追金石之謬已遠豈唯敗
錦傷經毀鼎覆餗而已哉自非西京上績東都名

勲河右群賢江左諸彥寧有誣叨天爵以爲已功者也昔南楚偏君鄢郢小政執珪柱國尚不輕授况車軌共文四溟同宅而以鄙蔽超居金鉉殊任爵起臣心憂魄悚視丹如錄伏願陛下暫停冕纁少察愚實鑒臣覲情愍臣孤志廣天下之惠可死夫之諒中則國步永清門下永無謬悞不任憂駭之情

蕭大尉上便宜表

江淹

臣公言臣聞經邦締治去華爲急體國字民循素乃安聖誥遺風具騰丹冊賢言末流備宣清史何嘗不翦削浮奢銷遣文繪然後頌音載興澤洽式廣楚駕百馬民雜國彫秦脩萬騎教亡業墜刻桷丹楹禮有常序朱幡皂蓋古無濫秩縹衣綸綬漢置前制竒服怪物周設常刑皆節俗約訓反撲還風肅政黎心釐一民志故禮奢寧儉宣尼之高風以義止利孟軻之宏規若乃文彩利劍道鑿其元彫蟲篆刻世炤其殘雖儒墨異學名法各治至於遵本捨末其樑一也故荀韓之立典管晏之制書

賈陸之鴻筆嚴徐之博辭食貨興志鹽鐵生論莫不異說而同儉垂議而共治然世淪物起道闕事遷蓋源起西秦波被東漢一魏不變二晉未革所從來者遠矣洎高祖武皇帝業高縣寓化格區宙菲躬謙度方追重華納麓之勤約情偽操乃取文命卑宮之義去金錦之巧無帷帳之飾惟脩遠圖綏國之術祈勸力耕濟世之規是以政平刑偃紫階斯廓太祖文皇帝恭已明臺之上聽政衢室之下九官咸靜萬績惟疑亦復務抑華詡思裁參太

輿馬翠翟之麗鈔登乎外禁瑤碧綺組之翫罕設於內宮故大德立而五路謚鴻名建而四民寧者也自頃政教日替敦教月虧誰惟歷稔亦日淹紀至乃帝臺傾海外之寶玉城盡天下之秘象席珠履一躡而即收鏤琴絲瑟再撫而已捐聚衣隨塵而罷羅袂從風而棄百民染其聲奢萬姓被其馳蕩故闡閭之里富者竊梁楚之乘伎巧之家豪者襲王公之服於是文靡虛麗驕邪不典之器精緻空飾妙盪非常之翫農夫勤耨不充浮伎之資

蠶女務織無給點刻之費將恐去實就華未知所
屆背源從流不識其止求國富兵強寧可得乎今
江南所宅正漢魏兩州之地戶口所檢裁文景三
郡之民舊齊故魯鞠為茂草全趙盛魏豺狼所嗥
陛下方歆鳴鑿中土朝服濟河不改斯術則未見
其可也臣謬屬大任竊同憂忝曰晏宵分實忘饑
寢草治其莠職此為先輒具條便宜可以安邦利
民者事事如右率以聞見謹簡聖聽若其咸允謹
請勅付外施行

蕭被尚書敦勸重讓表

江淹

臣公言臣五寫丹翹宜蒙凝炤一降王人遂無蠲
察復遣尚書臣忝兼侍中臣負等奉宣慈靈重賜
勩誨鏡伏迴環憫默失圖心魄交據淵谷匪譬中謝
臣自初被詔迄于今時載慙載疑以悚以厲豈非
深懼鴻典永憂未躬故琴瑟徒鳴不傳廣樂之響
燈燼空舉焉續經星之耀何則卓乎小者不足以
任大守于蔽者不可以語通臣器乏淵源識暗機
務倫濟夷險每憑璿曆之遠龕折氛蜺輒資郡才

廣文選 卷之九
之効臣寧有採竒鑒隱之能網國提民之功乎不
謂過延渥洽謬攀河漢榮宗益益寵華暉映籍聲
探議共知其幸况傳保之崇殷周特貴牧司之寄
魏晉稱重上昭妙德次擬英勳有踰茲序豈不素
裂今陛下方闢金門之聽調繡宸之政何得去禮
廢雅近於臣始既無前章孰表後世臣才孤位峻
待罪無日矣情哀理感事盡於斯伏願一運天景
微見藿心則物不逃形臣何恨焉不勝焦憂狼狽
之至

蕭讓前部羽葆鼓吹表

江淹

臣聞國容軍禮旌羽昭其華品騎第乘鸞銜藹其
飾所以炎耀仙都崇麗神境世教以之垂彩民聽
以之流文故勒岫銘海之功鞞革寫其詠龕難夷
邦之業蕭管凝其聲朱鷺玄雲既錫上德華山芳
樹以頒竒勳爰及台賢位高藩戚名公恩炤寵垂
私賞皆為發吹後陣豈曰兼奏前軒茲典罕行此
禮實曠臣竊服已弘叨光無限才局秩遠常銜猗
燿安可二葆同整雙弄頓驚覽躬惕然特貽原謬

伏願明燦日月靡忘情鑒將停盛飾遂臣慊心則
溥惠既饒忝錫多矣

謝開府辟召表

江淹

臣公言近被詔旨賜令臣府自辟僚賢竊聞治以
才為寶教以人為貴激風揚旌實資山東之英凝
築重馥良在關西之彥近以闡耀世經發麗朝序
今州策郡聘茲禮尚堙台召鉉辟斯文函曖豈非
盛美難嗣故曠寂先芬者哉臣謬贊國機職宜水
鑒未能澄刑炤藝薦品任官既乖覆業彌感深寄

仰屬皇心遙覃察政洞俗弘此懿典崇臣遠寵輒
祇眷恩謹宣嚴壑庶幽居之士羅薛可卷竒武異
文無絕於古

為蕭讓太傅相國齊公十郡九錫表

江淹

臣公言臣近勵心罄辭寫情畢議眇望神藻鑒見
丹襟而帝閭以秘論誥方明中庶卷容左右軫慮
中謝臣以為麗天秉經君上之彛憲儀地執緯臣下
之恒執故皇極載凝庶士交慎昔者重黎勤官裁

廣廣文選 卷之八
居炎冥之職義叔能任方掌日月之序至乎御龍
勤夏未聞冠俗之爵大彭翼商豈見超世之典以
古先哲後如茲之慎賞也臣乃謬貽國寄志在靜
難若夫野戰虹蜺伏順者易為威城攻鯨虺奉國
者理必全雲氣薄蝕下民咸貴其明恃險輿馬舟
中皆可異議故昌邑有歸邱吳楚無旋師斯激芬
揚變物同其幸焚惡去醜世共其疵實為仰憑俯
順之効臣亦何力之有焉竊謂祿為十郡必俟禹
迹之勤錫以九命乃須周公之美况呂梁不鑿而

器重玄珪越裳未獻而賦擬千乘京闕識其崇貴
畿服知其忝冒鏡前脩而慙形覲往德而聳慮畏
崖之請取誓深水審量之祈呈炤皦景伏願陛下
遠牽雄範近覽英規憑霞停詔臨風輟恩豈伊愚
臣方獨昌化具日遺氓咸蒙其賴矣

建平王慶明帝疾和禮上表

江淹

臣聞慶動至玄則昌衢敦序教孚上雲則紫寓交
泰故祁寒溽暑無以變其和沴火凝陰不能徙其
氣伏惟陛下至德遠稜實天縱聖仁鑄蒼岳道括

寰海故丹陵之君疑金泥而謝賢媯墟之后眷龍
圖而慚德頌聲蔽遠歌思匝道而望景暫虧輪光
少駿玉璽達和金幌輟念百祠未遑四嶽匪處吉
蠲爲慶神御方休瑞廣文齡祥深武日具惟溼教
倡愉兼薦臣班戒奉慈實自慶舞不勝悅豫之情

進宋書表

沈約

臣約言臣聞大禹刊木事炳虞書西伯戡黎功煥
商典伏惟皇基積峻帝烈弘深樹德往朝立勳前
代若不觀風唐世無以見帝媯之美自非覩亂秦

餘何用知漢祖之業是以掌言未記爰動天情曲
詔史官追述大典臣實庸妄文史多闕以茲不才
對揚盛旨是用夕惕載懷忘其寢食者也臣約頓
首死罪竊惟宋氏南面承歷統天雖世窮八主年
減百載而兵車亟動國道屢屯垂文簡牘事數繁
廣若夫英主啓基名臣建績拯世夷難之功配天
光宅之運亦足以勒銘鍾鼎昭被方策及霄后暴
朝前王罕二國釁家禍曠古永書又可以式規萬
葉作鑒于後宋故著作郎何承天始撰宋書草立

廣文選 卷之九
紀傳止於武帝功臣篇牘未廣其所撰志唯天文
律歷自此外悉委奉朝請山謙之謙之孝建初又
被詔撰述尋值病亡仍使南臺侍御史蘇寶生續
造諸傳元嘉名臣皆其所撰寶生被誅大明中又
命著作郎徐爰踵成前作爰因何蘇所述勒爲一
史起自義熙之初訖于大明之末至於臧質魯爽
王僧達諸傳又皆孝武所造自永光以來至於禪
讓十餘年內闕而不續一代典文始末未舉且事
屬當時多非實錄又立傳之方取捨乖衷進由時

旨退傍世情垂之方來難以取信臣今謹更創立
製成新史始自義熙肇號終於昇明三年桓玄譙
縱盧循馬魯之徒身爲晉賊非關後代吳隱謝混
郗僧施義止前朝不宜濫入宋典劉劭何無忌魏
詠之檀憑之孟昶諸葛長民志在興復情非造宋
今竝刊除歸之晉籍臣遠愧南董近謝遷固以問
閻小才述一代盛典屬辭此事望古暫良鞠躬踞
蹠覲汗亡厝本紀列傳繕寫已畢合志表七十卷
臣今謹奏呈所撰諸志須成續上謹條目錄詣省

拜表奉書以聞臣約誠惶誠恐頓首頓首死罪死罪

進位相國請謝朏何胤為軍諮祭酒

梁書卷九

武帝

夫窮則獨善達以兼濟雖出處之道其揆不同用舍惟時賢哲是蹈前新除侍中太子少傅朏前新除散騎常侍太子詹事都亭侯胤羽儀世胄微猷冠冕道業德聲康濟雅俗昔居朝列素無宦情賓客簡通公卿罕預簪紱未禡而風塵擺落且文宗

儒肆互居其長清規雅裁兼擅其美竝達照深識預覩亂萌見容質之如初貽厥之無寄拂衣東山耻絕塵軌雖解組昌運實避昏時家膺鼎食而其茲橡艾世襲青紫而安此懸鶉自澆風肇扇用南成俗淳流素軌餘烈頗存誰其激貪功歸有道康俗振民朝野一致雖在江海而勲同魏闕今泰運甫開賤貧為耻况乎久蘊瑚璉暫厭承明而可得求志海隅永追松子臣負荷殊重參贊萬機寔賴群才共成棟幹思挹清源取鏡止水愚欲屈居僚

首朝夕諮詢庶足以翼宣寡薄式是王度請竝補
臣府軍諮祭酒

勸進梁元帝表 英華

徐陵

臣陵言臣聞封唐有聖還承帝嚳之家居代維賢
終纂高皇之祚無為稱於華鳥至治表於垂衣而
撥亂反正非聞間作前古至如金行重作源出東莞
炎運猶昌枝分南頓豈得掩顯姓於軒轅非才子
於顯瑣莫不因時多難俱繼神宗者也伏惟皇帝
陛下出震等於勛華鳴謙同於旦奭握褒秉類聚鉞

作握圖

將在御天王勝珠衡先彰

類聚

元后神祇所合

一作

命非惟太室之祥圖

謀

一作畫類

斯歸何止堯門之

瑞若夫大孝聖人之心中庸君子之德固以作訓
生民貽風多士一日二日研覽萬机允文允武包
羅群藝擬茲三大賓是四門歷試諸難咸熙庶績
斯無得而稱也自無妄為象鍾禍上京梟獍處劉
宗社蕩墜銅頭鐵額興暴皇年封狝脩虵行災中
國靈心所宅下武其興望紫極而行一作號瞻丹陵
而殞慟家寃將報天錫黃鳥之旗國害宜誅神奉

玄狐之錄一作錄剋李軼於河津征陶謙於海岱滕公

擁樹一本作面擁蓋避諱也雄氣方嚴張繡交兵風神彌

勇忠誠貫於日月孝義感於冰霜如雷如霆非貌

非虎一作如前驅效命元惡斯殲既挂膽於西川方

燃臍於東市蚩尤三塚寧謂嚴誅王莽千段一作非

云明罰青羗赤狄同界狼豺胡服夷言咸為京觀

邦畿濟濟還見隆平宗祀一作廟惜惜方承多福自氛

盪渾沌之世驪連栗陸之君卦起龍圖文因鳥跡

雲帥火帝非無戰陣之風堯誓湯征咸用干戈之

道星躔東井時破嶠潼雷震南陽初平尋邑未有

援三靈之已墜救四海之群飛赫赫明明龔行天

罰莫如當今之盛者也於是卿雲似蓋晨映姚鄉

甘露如珠朝垂原一作藥景寢芝房感德咸出銅池莫

茨伺辰無勞銀剪重以東漸玄兔西踰白狼高柳

生風扶桑銜一作盛日莫不編名屬國歸貢一作質鴻臚荒

服來賓遐邇司慶其文昭武穆跗一作也如彼天平

地成功業也如此久應旁求掌故詢詔一作諮天官

斟酌繁昌經營高邑宗王啓霸非勞武德一作陽武之

侯清蹕無虞何事長安之邸揚龍旂以饗帝御鳳
 袞以承天曆數在躬疇咨一作與為讓去七月二十四
 日兼散騎常侍柳暉等至鄴伏承聖旨謙冲為而
 不宰或云洛陽禾復函谷無泥旋駕金陵方膺天
 睠愚謂大庭少昊非有定居漢祖殷宗皆無恒宅
 登封岱嶽且署一作猶置明堂巡狩荆州一作章陵時行司
 隸何必西瞻虎踞乃建王宮南望牛頭方稱天闕
 柳又聞之玄珪既錫蒼玉無陳乃棫樸之愆期非
 苞茅之不貢雲和之瑟久廢其泉孤竹之管無聞

方澤豈不懼歟伏願陛下因百姓之心振萬邦之
 命豈可逡巡固讓方示石戶之農高謝為君徒弘
 箕山之客未知上德之不德惟見聖人之不仁率
 土翹蒼生何望昔蘇季張儀違負俗尚復招三方
 以事趙請六國以尊秦况臣等預一作顯奉皇華親承
 朝命珪璋時達通聘河陽貂珥雍容尋盟漳水加
 平貶館隨世汗隆瞻望鄉關誠均休戚但輕生不
 造命與時乖一作忝一介之行人同三危之遠擯
 承間內殿事絕耿弇之因一作恩封奏邊城私等劉琨

之哭不勝區區之至謹拜表以聞臣陵云

勸進梁元帝表

沈炯

臣僧辨等言衆軍以今月戊子惣集建康賊景鳥
伏獸窮徒爲擊搏力竭詐盡深溝自固臣等分命
將士百道同趨突騎短兵犀函鐵楯結隊千群持
戟百萬止紂七步圍項三重轟然大潰群兇殄一作四
滅京師少長俱稱萬歲長安酒食於此價高九縣
雲開六合清朗矧伊圓一作黔首誰不載躍伏惟陛下
咀痛茹哀嬰憤銜酷自紫庭絳闕胡塵四起恒山

易水

一作櫛
垣好疇

冀馬雲屯泣血思治嘗膽誓衆而吳楚

一家方與七國俱反管蔡流言又以三監作亂西

京義衆阻強秦而不達一作通

并州遺民跨飛狐而見

抵一作泚

豺狼當路非止一人鯨鯢不梟修焉五載雄

武克振哀耻並雪不申

二字一作永尋
霜露如何可言

臣等輒依故實

奉脩祖廟

一作廟社

使者持節分告園

一作塋

陵嗣君升遐

龍輶失殯承華掩曜粹宮莫測並隨局

一作並
即隨由備辨

禮其凶荒四海同哀六軍祖哭情敦孝友理增一作當

感慟日者百司群岳

一作岳牧

仰祈宸鑑以析珪之功

既歸有道當璧之禮又屬聖明而優詔謙冲宵然
 凝邈飛龍可濟一作濟而乾文在四帝閣云叫而閭闔
 未聞謳歌載馳是用翹首所以越人固執燿丹穴
 以求君周氏樂歸越岐山而事主漢王不即位無
 以貴功臣光武思蕭王一作不豈謂紹宗廟黃帝迷
 遊一作於襄城尚訪治民之道放勛寂一作於始射當一作
 使罇俎有歸伊此儻來豈聖人所欲帝王應運一作
 應所不可然一作不獲伏讀璽書仰承一作制旨顧
 懷物外未奉慈衷陛下日角龍顏之姿表於狗齊

之月彤雲素氛之瑞基於應物之初博覽則大哉
 無所與名深言則曄乎昭章之觀忠為令德孝實
 動天加以英威茂略雄圖武筭指麾則丹浦不戰
 顧眄則阪泉自蕩地維絕而重紐天柱傾而更植
 鑿河津於孟門百川復故補穹儀於五石萬物再
 生縱陛下拂衿衣而遊廣成登弇山而去東土群
 臣安得仰訴兆庶何以歸仁况郊祀配天壘觴禮
 曠齊宮清廟籩豆不陳仰望乘輿匪朝伊夕瞻言
 法駕載渴且饑豈可久稽衆議有曠彝典况舊邦

凱復函洛已還高陵櫟陽宮館雖敗滎河清洛佳
氣斯在臯門有仇其泉四敞土圭測景仙人承露
斯蓋九州之宇縣六合之樞機博士奉圖書而稍
還太常定禮儀而已立豈得不揚警蹕而赴名都
振王鑾而旋正寢昔東周既遷鎬京遂其不復長
安一亂陝洛永以為居夏禹以萬國朝諸侯文王
以六州匡天下方之王基百里劔拔三尺以殘楚
之地抗拒六戎一旅之卒剪夷三叛坦然大定御
辯東歸解五牛於冀州秣六馬於譙郡緬求前古

可得比歟對揚天命何所讓德有理存焉敢重所
奏臣僧辯等誠惶誠恐頓首頓首死罪死罪

梁王僧辯上元帝表

沈炯

衆君薄代塗次九水即日獲臨城縣使人報稱侯
景弒逆皇帝賊害太子宗室在寇庭者竝罹禍酷
六軍慟哭三辰改曜哀我皇極四海崩心我大梁
纂堯構緒基商啓祚太祖文皇帝相齊作聖肇有
六州高祖武皇帝聰明神武奄龕天下依日月而
和四時履至尊而至六合麗正居貞大橫固祉四

葉相係三聖同基蠢爾凶渠遂憑天邑閭闔受白
登之辱象魏致堯城之疑雲宸承華一朝俱酷金
楨玉幹莫不同冤悠悠彼蒼何其罔極臣聞喪君
有君春秋之茂典以德以長先王之通訓少康則
牧衆撫職祀夏所以配天平王則居正東遷宗周
所以卜世漢光以能捕不道故景歷重昌中宗以
不違群議故江東可立儔今古考更無二謀伏惟
陛下至孝通幽英武靈斷當七九之厄而應千載
之期啓殷憂之明而居百王之會取威定霸嶮阻

艱難建社治兵載循古道家國之事一至於斯天
祚大梁必將有主軒轅得姓存者二人高祖武王
代實居長乘屈完而陳諸侯拜子武而服大輅功
齊九有道濟生民非奉聖明誰嗣下武臣聞日月
貞明太陽不可以闕照天地貞觀乾道不可以久
惕黃屋左纛本爲億兆而尊鸞輅龍章蓋以郊裡
而貴寶器存乎至重介石慎於易差黔首豈可少
選無君宗祏豈可一日無主伏願陛下掃地升中
柴天改物事迫凶危運鍾擾攘蓋不勞宗正奉詔

博士擇時南面即可君尊西向無所讓德四方既
知有奉八百始可同期殘冠潛居器藏社處乾象
既傾坤儀已覆軒輶車燒卓照市廓清函夏正
為坐陵開雪宮闡庶存鍾鼎彼黍離離伊何可言
陛下繼明闡祚即宮舊楚左朝右社之制以權
宜五禮六樂之容歲時取備金之九莖缺登靈臺
而望雲物禪梁甫而封泰山臨東濱而禮日觀然
後與三事大夫更謀都鄙左瀍右澗夾雒可以為
居抗殿疏龍惟王可以在鎬何必勤勤建業也哉

臣等不勝控款之至謹拜表以聞

勸進表

王僧辯

紫宸曠位赤縣無主百靈聳動萬國回皇雖醉醒
相扶同歸景亳式哥且誦總赴唐郊猶懼陛下俛
首潛然讓德不嗣傳車在道方慎宋昌之謀法駕
已陳尚杜耿純之勸岳牧翹首天民累息臣聞星
回日薄擊雷鞭電者之謂天岳立川流吐霧蒸雲
者之謂地苞天地之混成洞陰陽之不測而以裁
成萬物者其在聖人乎故云天地之大德曰生聖

人之大寶曰位黃屋廟堂之下本非獲已而居明
鏡四衢之罇蓋由應物取訓伏惟陛下稽古文思
英雄特達比以周旦則文王之子方之放勛則帝
摯之季千年旦暮可不在斯庭闕湮亡鐘鼎淪覆
嗣膺景歷非陛下而誰豈可使赤眉更立盆子隗
囂託置高廟陛下方復從容高讓用執謙光展其
矯行偽書誣罔正朔見機而作斷可識矣匪疑何
卜無待著龜日者公卿失馭禍纏霄極侯景憑陵
姦臣互起率戎伐顛無處不然勸明誅晉側足皆

爾刀斗夜鳴烽火相照中朝人士相顧銜悲涼州
義徒東望殞涕慄慄黔首將欲安歸陛下英略締
天沈明內斷橫劍泣血枕戈嘗膽農山圯下之策
金匱玉帛之謀莫不定算宸帷決勝千里擊靈龜
之鼓而建翠華之旗驅六州之兵而總九伯之伐
四方雖虞一戰以霸斬其鯨鯢旣章大戮荷校滅
耳莫匪姦回史不絕書府無虛月自洞庭安波彭
蠡底定文昭武穆芳若椒蘭敵國降城趨如親戚
九服同謀百道俱進國耻家怨計期就雪社稷不

慶曆文選 表卷之九
墜繫在聖明今也何時而申帝啓之避凶危若此
方陳泰伯之辭國有具臣誰敢奉詔天下者高祖
之天下陛下者萬國之歡心萬國豈可無君高祖
豈可廢祀即日五星夜聚八風通吹雲烟紛郁日
月光華百官象物而動軍政不戒而備飛艦巨艦
竟水浮川鐵馬銀鞍陵山跨谷英傑接踵忠勇相
顧湛宗族以酬恩焚妻子以報主莫不覆楯銜威
提斧擊衆風飛電耀志滅凶醜所待陛下昭告后
土虔奉上帝廣發明詔師出以名五行夕返六軍

曉進便當盡司寇之威窮蚩尤之伐執石趙而求
璽斬姚秦而取鍾脩掃瑩陵奉近宗廟陛下豈得
不仰存國計俯從民請漢宣嗣位之後即遣蒲類
之軍光武登極既竟始有長安之捷由此言之不
無前准臣等或世受朝恩或身荷重遇同休等戚
自國刑家苟有腹心敢以死奪不任悽悽之至謹
重奉表以聞

上昭明太子文集表

簡文帝

臣聞無懷有巢之前書契未作尊盧赫胥之士墳

典不傳若夫正少陽之位主承祧之則口實爲美
唯稱啓誦自茲厥後罕或聞焉昭明太子稟仁聖
之姿縱生知之量孝敬兼極溫恭在躬明月西流
幼有文章之敏羽籥東序長備元良之德非假二
踈寧勞四皓虎賁而其經學智囊慙其調護豈止
博望延賓壽春能賦問疑棗據書戒憑陵而已哉
玉折何追星頽靡續地尊號嗣外陽之術無徵位
比周儲緱山之駕不反臣以不肖妄作明離出入
銅龍瞻仰故實思所以榆揚盛軌宣記德音謹撰

昭明太子別傳文集請備之延閣藏諸廣內未彰
茂實式表洪徽

上不當納侯景表

蕭介

臣抱患私門竊聞侯景以渦陽敗績隻馬歸命陛
下不悔前禍復敕容納臣聞凶人之性不移天下
之惡一也昔呂布殺丁原以事董卓終誅董而爲
賊劉罕反王恭以歸晉還背晉以構妖何者狼子
野心終無馴狎之性養獸之喻必見饑噬之禍侯
景獸心之種鳴鏑之類以凶狡之才荷高歡翼長

之遇位忝台司任居方伯然而高歡墳土未乾即
還反噬逆力不建乃復逃死關西宇文不容故復
投身於我陛下前者所以不逆細流正欲以屬國
降胡以討匈奴冀獲一戰之效耳今既亡師失地
直是境上之匹夫陛下愛匹夫而棄與國之好臣
竊不取也若國家猶待其更鳴之晨歲暮之效臣
竊惟侯景必非歲暮之臣棄鄉國如脫屣背君親
如遺芥豈知遠慕聖德爲江淮之純臣事跡顯然
無可致惑一隅尚其如此觸類何可具陳臣朽老

疾侵不應輒干朝政但楚囊將死有城郢之忠衛
魚臨亡亦有屍諫之節臣忝爲宗室遺老敢忘劉
向之心伏願天慈少思危苦之語

獻梁武帝表

天竺國

伏聞彼國據江傍海山川周固衆妙悉備莊嚴司
土猶如化城宮殿莊飾街巷平坦人民充滿歡娛
安樂王出遊四兵隨從聖明仁愛不害衆生國中
臣民循行正法大王仁聖化之以道慈悲群生無
所遺棄常脩淨戒式遵不及無上法船沈溺以濟

廣廣文選 卷之九
百官氓庶受樂無恐諸天護持萬神侍從天魔降
服莫不歸仰王身端嚴如口初出仁澤普潤猶如
大雲於彼震旦最爲殊勝臣之所住國土首羅天
守護令國安樂王王相承未嘗斷絕國中皆七寶
形像衆妙甚嚴臣自脩檢如化王法臣名屈多奕
大王種惟願大王聖體和平今以此國群臣民庶
山川珍重一切歸屬五體投地歸誠大王使人竺
達多由來忠信是故今遣大王若有所須珍奇異
物悉當奉送此之境土便是大王之國王之法

令善道悉當舉用願二國信使往來不絕此信返
還願賜一使具宣聖命備勅所宜款至之誠望不
空返所白如允願加採納今奉獻琉璃唾壺雜香
吉具等物

在齊爲百官賀甘露表

盧思道

竊以河榮洛變授祉於勛華玄玉素鱗降靈於湯
武其間微禽弱草改狀移形夜宿朝雲星光動色
皆以照臨下上發揮帝載千祀一致隔代同符伏
惟陛下上摠天維傍握河紀持欽翼之小心纂昇

唐虞文選 卷之九
平之大業萬靈翹首應三古以西巡兩儀貞觀乘
六氣而東指卿雲既出還聞百辟之歌河清可俟
實得萬人之歎而上玄乃顧神物薦委飛其灑潤
玉散珠連昔魏明仙掌竟無靈液漢武金盤空望
雲表豈若神漿可挹流味九戶之前天酒自零凝
照三階之下斯實曠代祥符前主罕遇休矣美矣
皇哉唐哉臣等竝邀昌運俱沐玄造驟聞秘祉亟
覩冥貺振鱗撫翼空馳魚鳥之心瘞玉編金方待
云亭之后

上道德經註表并詔答

杜弼

臣聞乘風理弋追逸羽於高雲臨波命鈎引沉鱗
於大壑苟得其道爲工其事在物既爾理亦固然
竊惟道德二經闡明幽極旨冥動寂用周九聖論
行也清淨柔弱語迹也成功致治寔衆流之江海
乃群藝之本根臣少覽經書偏所篤好雖從役軍
府而不捨遊息鑽味既久斐文疊如有所見比之
前注微謂異於舊說情發於中而彰諸外輕以管
窺遂成穿鑿無取於遊亦有慚於運斤不足破秋

毫之論何以解連環之結本欲止於門內貽厥童
蒙兼以近資愚鄙私備忘闕不悟姑射凝神汾陽
流照蓋高之聽卑邇言在察春末春旨猥蒙垂誘
令上所注老子謹昌封呈并序如別詔荅云李君
遊神冥窅獨觀恍惚玄同造化宗極群有從中被
外周應可以裁成自己及物運行可以資用隆家
寧國義屬斯文卿才思優洽業尚通遠息棲儒門
馳騁玄肆既啓專家之學且暢釋老之言戶列門
張途通性達理事兼申能用俱表彼賢所未悟遺

老所未聞旨極精微言窮深妙朕有味二經倦於
舊說歷覽新注所得已多嘉尚之來良非一緒已
勅殺青編藏之延閣

乞歸表

沈綱

臣聞喬山雖掩崑湖之靈可祠有魯既荒大庭之
迹無泯伏惟陛下降德猗蘭慕靈豐谷漢道既登
神仙可望射之杲於海浦禮日觀而稱功橫中流
於汾河指柏梁而高宴何其樂也豈不然歟既而
運屬上仙道窮晏駕甲帳珠簾一朝零落茂陵王

惋宛出人間陵雲故基共原田而撫膺別風餘趾
對陵阜而茫茫羈旅縲臣能不落淚昔承明既厭
嚴助東歸駟馬可乘長卿西返恭聞故實竊有愚
心忝稷非馨敢忘微福

陳情表

沈炯

臣嬰生不幸弱冠而孤母英華非子零丁兄弟相長
謹身為養仕不擇官承襲朝命偶在亂世一作官成
亂冒危履險自死輕生妻息誅夷昆季屠一作滅但
餘老母一作餘得逢興運臣母妾劉今年八十有一

臣叔母妾丘七十有五一作私門弟姪故自無人妾
丘兒孫又久亡滅兩家侍養餘臣一人前帝知臣
之孤孑眷臣以州里不歆使頓居草萊又復矜臣
溫清所以一年之內再三休沐臣之屢披丹款頻
冒宸鑒非歆苟避一作違朝廷遠離畿輦一者以年將
六十四湯火居心每跪讀家書前懼後喜溫枕扇
席無復成童二者職居彝憲邦之司直若自虧身
禮何問國章前德綢繆始許哀放內侍近臣多悉
此者正以選賢與能廣求明哲越越荏苒未始取

才而上玄降戾奄至今日德音在耳墳土遽乾悠
 悠皇天哀此困一作極廉臣私心煎切彌迫近時悽
 悽之祈轉忘塵觸伏惟陛下睿德聰明嗣興下武
 刑于四海弘此孝治寸管求天仰歸帳一作哀有感
 必應實望明時一作聖明特乞霈然申其私禮則王者
 之德覃及無方矧彼翔沈孰非涵養云

請求書表

牛弘

經籍所興由來尚矣爰書肇於庖羲文字生於蒼
 頡聖人所以弘宣教導博通古今揚於王庭肆於

時夏故堯稱至聖猶考古道而言舜其大智尚觀
 古人之象周官外史掌三皇五帝之書及四方之
 志武王問黃帝顓頊之道太公曰在丹書是知握
 符御曆有國有家者曷常不以詩書而為教因禮
 樂而成功也昔周德既衰舊經紊棄孔子以大聖
 之才開素王之業憲章祖述制禮刊詩正五始而
 脩春秋闡十翼而弘易道治國立身作範垂法及
 秦皇馭寓吞滅諸侯任用威力事不師古始下焚
 書之令行偶語之形先王墳籍掃地皆盡本既先

亡從而顛覆臣以圖讖言之經典盛衰信有徵數
此則書之一厄也漢興改秦之弊敦尚儒術建藏
書之筴置校書之官屋壁山巖往往間出外有太
常太史之藏內有延閣秘書之府至孝成之世亡
逸尚多遺謁者陳農求遺書於天下詔劉向父子
讎校篇籍漢之典文於斯為盛及王莽之末長安
兵起宮室圖書竝從焚燼此則書之二厄也光武
嗣興尤重經誥未及下車先求文雅於是鴻生鉅
儒繼踵而集懷經負帙不遠斯至肅宗臨講肄和

帝數幸書林其蘭臺石室鴻都東觀祕牒填委更
倍於前及孝獻移都吏民擾亂圖書縑帛皆取為
帷囊所收而西裁七十餘乘屬西京大亂一時燼
蕩此則書之三厄也魏文代漢更集經典皆藏在
秘書內外三閣遣秘書郎鄭默刪定舊文時之論
者美其朱紫有別晉氏承之文籍尤廣晉秘書監
荀勗定魏內經更著新簿雖古文舊簡猶云有缺
新章後錄鳩集已多足得恢弘正道訓範當世屬
劉石憑陵京華覆滅朝章國典從而失墜此則書

廣文選 卷之五
之四厄也永嘉之後寇竊競興因河據洛跨秦帶
趙論其建國立家雖傳名號憲章禮樂寂滅無聞
劉裕平姚收其圖籍五經子史纔四千卷皆赤軸
青紙文字古拙僭偽之盛莫過二秦以此而論足
可明矣故知衣冠執物圖書記注播遷之餘皆歸
江左晉宋之際學藝爲多齊梁之間經史彌盛宋
秘書丞王儉依劉氏七畧撰爲七志梁人阮孝緒
亦爲七錄摠其書數三萬餘卷及侯景渡江破滅
梁室秘省經籍雖從兵火其文德殿內書史宛然

猶存蕭繹據有江陵遣將破平侯景收文德之書
及公私典籍重本七萬餘卷悉送荊州故江表圖
書因斯盡萃於繹矣及周師入郢繹悉焚之於外
城所收十纔一二此則書之五厄也後魏爰自幽
方遷宅伊落日不暇給經籍闕如周氏創基關右
戎車未息保定之始書止八千後加收集方盈萬
卷高氏據有山東初亦採訪驗其本目殘缺猶多
及東夏初平獲其經史四部重雜三萬卷餘所益
舊書五千而已令御書單本合一萬五千餘卷部

帙之間仍有殘缺比梁之舊目止有其半至於陰陽河洛之篇醫方圖譜之說彌復為少臣以經書自仲尼已後迄於當今年踰千載數遭五厄興集之期屬膺聖世伏惟陛下受天明命君臨區宇功無與二德冠往初自華夏分離彛倫攸斁其間雖霸王遞起而世難未夷欲崇儒業時或未可令土宇邁於三王民黎盛於兩漢有人有時正在今日方當大弘文教納俗升平而天下圖書尚有遺逸非所以仰協聖情流訓無窮者也臣史籍是司寢

興懷懼昔陸賈奏漢祖云天下不可馬上治之故知經邦立政在於典謨矣為國之本莫此攸先今秘藏見書亦足披覽但一時載籍須令大備不可王府所無私家乃有然士民殷雜求訪難知縱有知者多懷恠惜必須勒之以天威引之以微利若猥發明詔兼開購賞則異典必臻觀閣斯積道之風超於前世不亦善乎伏願天監少垂照察

請旌鬱生表

姚信

臣聞唐虞之政舉書而教旌德擢異三王所先是

以忠臣烈士顯名國朝淑婦貞女事迹家間蓋所
以闡崇元業廣殖清風使苟有令性幽明俱著苟
懷懿姿士女同榮昔王蠋建寒松之節而齊王表
其里義姑立殊絕之操而魯侯高其門切見故鬱
林太守陸績女子鬱生少履貞持之行幼立匪石
之節年始十三適同郡張白侍廟三月婦禮未卒
白遭罹家禍迂死異郡鬱生抗聲昭節義形於色
冠蓋交橫誓而不許奉白姊妹焠喊之中蹈履木
火志懷霜雪義心固於金石體信貫於神明送終

以禮邦士慕則臣聞照德以行顯行以爵苟非名
爵則勸善不嚴故士之有誅魯人志其勇杞婦見
書齊人哀其哭乞蒙聖朝斟酌前訓上聞天聰下
垂坤厚褒鬱生以義姑之號以厲兩髦之節則皇
風穆暢士女改視矣

諫幸鄴表

李平

伏見已丑詔書雲軒鑿輅行幸有期鳳服龍駝尅
駕近日將欲講武淇陽大習鄴魏馳驎駿於綠竹
之區騁騁驥於漳滏之壤斯誠幽顯同忻人靈共

廣文選 卷之九
三
悅臣之愚管竊有感焉何者嵩京創構洛邑俶營
雖年跨十稔根基未就代民至洛始欲向盡資
罄於遷移牛畜斃於輦運陵太行之險越長津之
難辛勤備經得達京闕富者猶損太半貧者可以
意知兼歷歲從容不遑啓處自景明已來差得休
息事農者未積二年之儲築室者裁有數間之屋
莫下肆力伊瀍人急其務寔宜安靜新人勸其稼
穡令國有九年之糧家有水旱之備若乘之以羈
紲則所廢多矣一夫從役舉家失業今復秋稼盈

田禾菽遍野鑾駕所幸騰踐必殷未若端拱中天
坐招四海耀武崧原禮射伊洛士馬無跋涉之勞
兆民有康哉之詠可不美歟

理慕容白曜表

成淹

臣聞經疆啓宇實良將之功褒德酬庸乃聖王之
務昔姜公杖鉞開隆周之基韓生秉旄興鴻漢之
業故能賞超當時名垂前史若闡外功成而流言
內作人主猜疑良將懷懼樂毅所以背燕章邯所
以奔楚至如鄧艾懷忠矯命寧國赤心皎然幽顯

廣文選 卷之九
同見而橫受屠戮良可悲哀及士治伐吳奮不顧
命萬里浮江應機直指使孫皓君臣輿櫬入洛大
功亦舉讒書驟至內外唱和貝錦將成微晉武之
鑒亦幾於顛沛矣每覽其事常為痛心聖主明王
固宜深察臣伏見故征南大將軍開府儀同三司
青州刺史濟南王慕容白曜祖父相資世晉東裔
值皇運廓被委節臣妾白曜生長王國飲服道教
爵列上階位登帝伯去天安初江陰夷楚敢拒王
命三方阻兵連城岳峙海岱蒼生翹首拯援聖朝

乃眷南顧思救荒黎大議廟堂顯舉元將百寮同
音僉曰惟允遂推轂委誠授以專征之任握兵千
萬杖鉞一方威陵河濟則淮徐震懼師出無監而
申纂授首濟北太原同時消潰麋溝垣苗相尋奔
走及回麾東掃道固銜璧盤陽梁鄒肉袒請命于
時東陽未平人懷去就沈文靜高崇仁擁衆不朝
扇擾邊服崔僧祐蓋次陽陳顯達連兵淮水陸鋒
起揚旌而至規援青齊士民怊怊莫不南顧時兵
役旣久咸爾歸心而白曜外宣皇風內盡方略身

廣廣文選卷之九
撰甲冑與士卒同安撫初附示以恩厚三軍懷挾
續之温新民欣來蘇之澤遂使僧祐擁徒弭旆効
順軍門文靜崇仁棄城竄海次陽顯達望塵南奔
聲震江吳風偃荆漢及青州剋牻文秀面縛海波
清靜三齊克定逖彼東南永爲國有使天府納六
州之貢濟泗息烽警之虞開岱宗封禪之略闢山
川望秩之序斯誠宗廟之靈神算所授然抑亦白
曜與有力矣及氛翳既靜爵命亦隆榮燭當時聲
譽日遠而民惡其上妄生尤隙因其功高流言或

聽巧僞亂真朱紫難辨傷夷未瘳合門屠戮鴻勳
盛德蔑尔無聞有識之徒能不悽愴臣謂白曜策
名王庭累荷榮授歷司出內世載忠美秉鉞啓蕃
折衝敵國開疆千里拔城十二辛勤於戎旅之際
契闊於矢石之間登鋒履危志存靜亂及方難旣
夷身膺高賞受胙河山與國升降六十之年寵靈
已極觀其立功足明機運豈容僥倖更邀非望者
乎且於時國家士馬屯積京南跨州連鎮勢侔雲
岳主將驍雄按鉞在所莫不殉忠死難効節奉時

此之不可生心白曜足知之矣况潜逆阻兵營岱
厭亂加以王師仍舉州郡屠裂齊民勞止神膽俱
喪亡燼之衆不可與圖存離敗之民不可與語勇
哉白曜果教習戎體閑兵勢寧不知士民之不可
藉將士民不同已據疆兵之勢因塗炭之民而欲
立非常之事此愚夫之所弗爲也料此推之事可
知矣伏惟陛下聖鑒自天仁孝宰世風冠宇宙道
超百王開國以來諸有罪犯極刑不得骸骨者悉
聽收葬大造之恩振古未有而白曜人舊功高嬰

禍淪覆名威國除爵命無紹天下衆庶咸共哀憐
方之餘流應有差異願陛下揚日月之光明勲臣
之績垂天地之施慰僵屍之魂使合棺定諡歿有
餘稱選其宗近才堪驅策錫以微爵繼其絕世進
可以獎勸將來退可以顯國恩澤使存者荷莫大
之恩死者受骨肉之惠豈不美哉仰惟聖明霽然
昭覽狂瞽之言伏待刑憲

上歷帝圖表魏書五十二

張彞

臣聞元天高朗尚假列星以助明洞庭淵湛猶籍

廣廣入選
表卷之九
聖
衆流以增大莫不以孤照不詣其幽獨深未盡其
廣先聖識其若此必取物以自誠故堯稱則天設
謗木以曉求明舜稱盡善懸諫鼓以規政闕虞人
獻箴規之旨盤孟著舉動之銘庶幾見善而思齊
聞惡以自改眷眷於悔生之衢孜孜於不逮之路
用能聲高百王卓絕中古經十氏而不渝歷三千
以孤鬱伏惟太祖撥亂奕代重光世祖以不世之
才開溫函夏顯祖以溫明之德潤伏九區高祖大
聖臨朝經營云始未明求衣日吳忘食開翦荆棘

徒御神縣更新風軌冠帶朝流海東雜種之渠衡
南異服之帥沙西羶頭之戎漠北辮髮之虜重譯
納貢請吏稱藩積德懋於夏殷富仁盛於周漢澤
教既周武功亦匝猶且發明詔思求真士信是蒼
生薦言之秋祝使陳辭之日况臣家自奉國八十
餘年紆金鏘玉及臣四世過以小才藉蔭出仕學
慙專門武闕方畧早荷先帝眷仗之恩未蒙陛下
不遺之施侍則出入兩都官歷納言常伯忝取秦
藩號兼安撫實思碎首膏原仰酬三朝之惠輕塵

碎石遠增嵩岱之高輒私訪舊書竊觀圖史其帝
皇興起之元配天隆家之業脩造益民之奇龍鱗
雲鳳之瑞卑宮愛物之仁釋網改祝之澤前歌後
舞之應囹圄寂寥之美可為輝風景行者輒謹編
丹青以標睿範至如太康好田遇窮后迫禍武乙
逸禽罹震雷暴酷夏桀淫亂南巢有非命之誅殷
紂昏酣牧野有倒戈之陳周厲逐獸滅不旋踵幽
王遇惑死亦相尋暨於漢成失御亡新篡奪桓靈
不綱魏武遷鼎晉惠闇弱骨肉相屠終使聰矐鴉

視并州勒虎狼據燕趙如此之輩罔不畢載起元
庖犧終於晉末凡十六代百二十八帝歷三千二
百七十年雜事五百八十九合成五卷名曰帝歷
圖亦諗木諫鼓虞人盤盂之類脫蒙置御坐之側
時復披覽冀或起予左右上補未萌伏願陛下遠
惟宗廟之憂近存黎民之念取其賢君棄其惡主
則微臣雖沈淪地下無異乘雲登天矣

上魏詩表魏書五十二

張彞

竊惟皇王統天必以窮幽為美盡理作聖亦假廣

廣廣文選 卷之九
採成明故詢於芻蕘著之周什輿人獻箴流於夏
典不然則美刺無以得彰善惡有時不達逮於兩
漢魏晉雖道有隆污而被繡傳擻未始闕也及惠
帝失御中夏崩離劉符專據秦西燕趙獨制關左
姚夏繼起五涼競立致使九服搖搖民無定主禮
儀典制此焉煙滅暨大魏應歷撥亂登皇翦彼鯨
鯢龕靖神縣數紀之間天下寧一傳輝七帝積聖
如神高祖遷鼎成周永茲八百偃武脩文憲章斯
改實所謂加五帝登三王民無德而名焉猶且慮

獨見之不明欲廣訪於得失乃命四使觀察風謠
臣時忝常伯充一使之列遂得仗節揮金宣恩東
夏周歷於齊魯之間遍馳於梁宋之域詢採詩頌
研檢獄情實庶片言之不遺美刺之俱顯而才輕
任重多不遂心所採之詩並始申目而值鑿輿南
討問罪宛鄧臣復忝行軍樞機是務及輦駕之返
膳御未和續以大諱奄臻四海崩慕遂爾推遷不
及聞徹未幾改牧秦蕃違離闕下繼以譴疾相纏
寧十八歲常恐所採之詩永淪丘壑是臣夙夜所

懷以爲深憂者也陛下垂日月之明行雲雨之施
察臣往罪之濫矜臣貧病之切既蒙崇以祿養復
得拜掃丘墳明日友朋無所負愧且臣一二年來
所患不劇尋省本書粗有髣髴凡有七卷今寫上
呈伏願照覽勅付有司使魏代所採之詩不埋於
丘井臣之願也

上孝明帝表魏書十二卷

張倫

臣聞古之聖王疆理物土辨章要甸荒遐之俗政
所不及故禮有一見之文書著羈縻之事太祖以

神武之姿聖明之畧經略帝圖日有不暇遂令監
子遊魂一方亦由中國多虞急諸華而緩夷狄也
高祖光宅土中業隆卜世赫雷霆之威振熊羆之
旅方役南轅未遑北代皆舊京烽起虜使在郊主
上按劍璽書不出世宗運籌帷幄開境揚旌衣裳
所及舟車萬里于時醜類款關上亦述尊遺志今
大明臨朝澤及行葦國富兵疆能言率職何憚而
爲之何求而行北往日蕭衍通敬求和以誠肅未
純抑而不許先帝棄戎於前陛下交夷於後無乃

廣文選 卷之六
上垂高祖之心下違世宗之意且虜雖慕德亦來
觀我懼之以疆儻時歸附示之以弱窺覷或起春
秋所謂以我卜也又小人難近夷狄無親疎之則
怨狎之則侮其所由來久矣是以高祖世宗知其
若此來既莫逆去又不追不一之義於是乎在必
其委贄玉帛之辰屈膝蕃方之禮則可封其勞賄
籍以珍物至於王人遠役銜命虜庭優以匹敵之
尊加之相望之寵恐徒生虜慢無益聖明假令選
衆而舉使乎稱職資酈生之辯騁終軍之辭憑賦

下齊長纓繫越苟異曩時猶爲不願而况極之以
隆崇申之以宴好臣雖下愚輒敢固執若事不獲
已應頒制詔示其上下之儀宰臣致書諷以歸順
之道若聽受忠誨明我話言則萬乘之盛不失位
於域中天子之聲必籠罩於無外脫或未從焉能
損益徐舞于戚以招之敷文德而懷遠如迷心不
已或肆犬羊則當命辛李之將勒衛霍之師蕩定
雲沙埽清逋孽飲馬瀚海之濱鏤石燕然之上開
都護置戍已斯亦陛下之高功不世盛事如思按

甲養民務農安邊之術經國之防豈可以戎夷兼
弁而遽虧典制將取笑於當時貽醜於來葉昔文
公請隧襄后有言荆莊問鼎王孫是抑以古方今
竊為陛下不取又陛下方欲禮神岷瀆致禮衡山
登稽嶺窺蒼梧而反與夷虜之君酋渠之長結昆
弟之忻抗分庭之義將何以瞰文命之遐景迹重
華之高風者哉臣以為報使甚失如彼不報甚得
如此願留須臾之聽察愚臣之言

上三十國春秋表魏書五十五

崔鴻

臣聞帝王之興也雖誕應圖錄然必有驅除蓋所
以翦彼厭政成此樂推故戰國紛紜年過十紀而
漢祖夷殄群豪開四百之業歷文景之懷柔蠻夏
世宗之奮揚威武始得涼朔同文牂越一軌於是
談遷感漢德之盛痛諸史放絕乃鈐括舊書著成
太史所謂緝茲人事光彼天時之義也昔晉惠不
競華戎亂起三帝受制於姦回二皇晏駕於非所
五都蕭條鞠為煨燼趙燕既為長蛇遼海緬成殊
域窮兵銳進以力相雄中原無主八十餘年遺晉

廣文選
卷之九
僻遠勢略孤微民殘兵革靡所歸控皇魏龍潛幽
代世篤公劉內脩德政外抗諸偽并冀之民懷寶
之士襁負而至者日月相尋雖邠岐之赴太王謳
歌之歸西伯實可同年而語矣太祖道武皇帝以
神武之姿接金行之運應天順民龍飛受命太宗
必世重光業隆玄默世祖雄才叡略闡曜威靈農
戰兼脩掃清氛穢歲垂四紀而寰宇一同儋耳文
身之長卉服斷髮之酋莫不請朔率職重譯來庭
隱愍鴻濟之澤三樂擊壤之歌百姓始得陶然蘇

息欣於堯舜之世自晉永寧以後雖所在稱兵競
自尊樹而能建邦命氏成為戰國者十有六家善
惡興滅之形用兵垂會之勢亦足以垂之將來昭
明勸戒但諸史殘缺體例不全編錄紛謬繁略失
所宜蕃正不同定爲一書伏惟高祖以大聖應期
欽明御運合德乾坤同光日月建格天之功創不
世之法開鑿生民惟新大造陛下以青陽繼統叡
武承天應符屈已則道高三五顧神至境則洞彼
玄宗剖判百家斟酌六籍遠邁石渠美深白虎至

廣文選
如導禮革俗之風昭文變性之化固以感彼禽魚
穆茲寒暑而况愚臣沐浴太和懷音正始而可不
勉疆難革之姓砥礪木石之心哉誠知敏謝允南
才非承祚然國志史考之美竊亦輒所庶幾始自
景明之初搜集諸國舊史屬遷京甫爾率多分散
求之公私驅馳數歲又臣家貧祿薄雖任孤力至
於紙盡書寫所資每不周接暨正始元年寫乃向
備謹於吏按之暇草構此書區分時事各繫本錄
破彼異同凡爲一體約損煩文補其不足三豕五

門之類一事異年之流皆稽以長曆考諸舊志剛
正差謬定爲實錄商校大略著春秋百篇至三年
之末草成九十五卷唯常璩所撰李雄父子據蜀
時書尋訪不獲所以未及繕成輟筆私求七載于
今此書本江南撰錄恐中國所無非臣私力所能
終得其起兵僭號事之始末乃亦頗有但不得此
書懼簡略不成立思陳奏乞勅緣邊求採但愚賤
無因不敢輕輒散騎常侍太常少卿荊州大中正
臣趙邕忽宣明旨敕臣送呈不悞九臯微志乃得

上聞奉勅欣惶慶懼兼至今謹以所訖者附臣筮
呈奏臣又別作序例一卷年表一卷仰表皇朝統
括大義俯明愚臣著錄微體徒竊慕古人立言美
意文致疎鄙無一可觀簡御之日伏深慙悻

上孝武帝表魏書七十二

李業興

臣聞行道樹德非求利於當年服義履仁豈邀恩
於沒世但天爵所存果致式閭之禮民望攸屬終
有祠墓之榮伏見故處士兗州徐遵明生在衡泌
弗因世族之基長於原野匪乘雕鏤之地而託心

淵曠置情恬雅處靜無悶居約不憂故能垂簾自
精下帷獨得鑽經緯之微言研聖賢之妙旨莫不
入其門戶踐其堂奧信以稱大儒於海內擅明師
於日下矣是故眇眇四方知音之類延首慕德跂
踵依風每精廬暫闢杖策不遠千里束脩受業編
錄將踰萬人固已企盛烈於西河擬高蹤於北海
若慕竒好士愛客尊賢寵史遊梁紛而成列遵明
以碩德重名首家禮命曳裾雅步眷同置醴黃門
李郁吳所知明方申薦奏之恩處心守壑之志潛

居樂道遂往不歸故北海王入洛之初率土風靡
遵明確然守志忠潔不渝遂與太守李湛將誅叛
逆時有邂逅受斃凶險至誠高節煙沒無聞朝野
人士相與嗟悼伏惟陛下遠應龍序俯執天衷每
端聽而忘異常坐思而候曉雖微功小善片言一
行莫不衣裳加室玉帛在門况遵明冠蓋一時師
表當世溘焉寘沒族紀寂寥逝者長辭無論榮價
文明叙物敦厲斯在臣託跡諸生親承顧盼惟伏
膺之義感在三之里是以越分陳愚上誼幄座特

乞加以顯謚追以好爵仰申朝庭尚德之風下示
學徒稽古之利若宸鑒昭回曲垂矜採則荒墳千
載式貴生平

為閻大將軍乞致仕表

庾信

臣某言臣聞禮云大夫七十致仕於朝傳家於子
膳則貳珍衣稱時制臣自出身奉國四十餘年遭
遇風雲從微至著大祖文皇帝扶危濟難奄有關
河臣實無堪中涓從事自洛食風塵河梁旗鼓藥
陰有白馬之兵河曲有黃沙之陣臣雖用命不能

奇策功薄賞厚因人成事恩澤年表常以愧心仰
逢周朝以揖讓登庸謳歌受命主貴臣遷頻煩榮
寵三槐以鑄鼎象物知其神姦五等以桓珪飾瑞
守其宮室臣以何德兼而有之况復水土之職王
梁以應讖受徵兵戈之王韓信以登壇獨拜語其
連類臣又何人當今四海未寧三方鼎峙陛下勞
心之日群公展効之秋而臣甲子既多老年又及
無參賓客之事謬達諸侯之班尸祿素餐又紊彝
典負乘致寇徒煩有司加以寒暑乖違節宣失序

風水交侵菁華已竭雖復廉頗強飯馬援據鞍求
欲報恩何能為後榮啓期之樂適足自貽燭之武
之言無能為也特乞解所居官言從初服事符骸
骨之請非謀几杖之賜若臣北陵移病東臯歸老
山河茅社一及司勳公侯珪璧還封典端則朝無
冒位之人臣免妨賢之責虞氏養老敢希東序之
榮周朝如荼豈望西郊之禮但瞻仰天威方違咫
尺徘徊城闕私增悽戀不任知止之情云云

進象經賦表

庾信

臣某言臣伏讀聖製象經并觀象戲私心踴躍不
勝抃舞伏以性與天道本絕尋求直以懸諸日月
遂獲瞻仰九州既奠近對河圖四轍中繩全觀玉
策未飛玄鶴先聞金石之聲不上赤城獨見煙霞
之氣置管而測光景愈高沉玉而觀淵泉益遠寢
不自涯課虛為賦詞非寥亮學無雕刻遂敢陳述
誠為厚顏况復日之遠近本非童子所問天之渾
蓋豈是書生所談冒用奏聞伏增流汗之至

賀周武帝平鄴都表英華

庾信

臣某言臣聞太山梁甫以來即有七十二代龍圖
龜書之後又已三千餘年雖復制法樹司禮殊樂
異至於文離武落剡木弦弧席卷天下之心苞含
八荒之志其揆一矣伏惟皇帝陛下握天樞秉地
軸駕馭風雲驅馳龍虎沉雄內斷不勞謀於力牧
天策勇決無待問於容成是以威風所振烈火之
遇雄毛旗鼓所臨衝風之卷秋葉切聞伊洛戎夷
幽并僭偽抱圖載籍已歸丞相之府銜玉繁綬並
詣中軍之營百年逋誅遂窮巢窟三代敵怨俄然

廣廣之選 表卷之九 五十五
掃蕩昔周王鮪水之師尚勞再駕軒轅上谷之戰
猶須九代未有一朝指麾獨決神慮平定寓內光
宅天下二十八宿止餘吳越一星千二百國裁漏
麟洲小水若夫咸康之年四方始定建武之代諸
侯竝朝不得同年而語矣雖復八風並唱未足頌
其英聲六樂俱陳無以歌其神武坐釣臺而誓衆
妣啓繼夏禹之功入商郊而問罪姬發成周文之
志無改之道大孝也歟當今鹿臺已散頃宮已遣
兵藏武庫馬入華山立明堂之制奏大武之樂盛

矣哉上天降休未之有也政須東南一尉立於此
景之南西北一候置於交河之北然後命東后詔
蒼冥衢壇琬碑銀繩瓊檢告厥成功差無慙德臣
忝竊榮幸蒞政東藩不獲躬到闕庭預觀大慶不
勝鳧藻踊躍之至謹遣主簿陪臣曹敏奉表以聞

賀新樂表 英華

庾信

臣等言臣聞天地順動則雷出為豫聖人功成則
風行有節故六德在咸池之官山谷可調八風入
承雲之奏人神不雜我太祖文皇帝體國經野設

廣文選 卷之六
官分職變魏作周移風正雅衣裳而朝萬國珪璧
而會諸侯至如經綸圖籍校讐煙燼樂正無缺章
秩宗無廢典豈但商頌十篇得諸太師之室虞書
五禮取於恭王之宮伏惟皇帝以下武嗣興中陽
繼業運日月之明動淵泉之慮律歷著微無煩於
太史陰陽晷度躬定於天官故得參考八音研精
六代封晉魏為二王序殷周為三恪雖服朱干玉
戚尚識典刑素鼓纁裳猶因雄據未若山雲特起
八卦成形鳳凰于飛九州觀德改金奏於八列合

天元於六舞聲含擊石更入登歌調起初鍾還叅
王管足以感天地而通神明康帝德而光玄象昔
者齋居玄扈為典在於雲門師度盟津習舞歸于
山立遂乃包括三名克諧一代作者之謂聖天之
所啓乎豈惟路鼓靈鼗空桑孤竹廣矣大矣輪焉
負焉是知零陵孝廉空傳玉管始平太守虛稱銅
尺臣等竝預鈞天同觀張樂軒墀弘敞欄檻眺聽
崇牙業業猛虩趨趨翠鳳揚旌靈龜樹鼓杳冥雲
霧蕩薄丘陵醴泉與甘露同飛赤鴈與班麟俱下

聘魯請觀理當見其盛德適齊忘味定是知其盡
美昔淵魚聽曲尚得聳鱗握馬聞絃猶能仰秣臣
等誠愧知音敢忘悅豫若使詳其音律是所邈然
但能記其鏗鏘於茲為幸不勝慶悅之誠謹詣朝
堂奉表以聞

為祀公讓宗師表 英華

庾信

臣某言伏見詔書以臣為使持節驃騎大將軍開
府儀同三司宗師中大夫伏奉綸言心竄震聳臣
聞堯分四岳是以望秩山川舜命九官是以光華

日月必須易

一作儀

刑以德明試以功乃可協和萬邦

咸熙庶績臣幼無學植長闕才成鴻都之門不能
定其章句鷄鹿之塞無以名其碑碣憑天漢之派
水附弱木之分枝東岳則朝宿有名南宮則門闌
有籍在臣庸劣久知滿盈武陽以功臣之重特拜
宗師東平以母弟之尊超登上將臣有何德能兼
此榮臣早傾廷蔭曾未扶墻母氏慈訓哀矜勞苦
甫及成人復垂捐棄几筵如在忍離鞠養之恩終
天無報叩地難任欲早上丘陵終身瑩域霜露申

履時之感驚雀展迴翔之心不悟天澤沛然謬垂
提拔當今玉燭調和既非金革之世璿璣齊政豈
忘松檟之餘况復一枝蹇曲終危九層之臺一股
涖蹄必傷千里之駕皇帝欽明文思光宅區宇禮
格四方無容奪臣此志孝治天下自當哀臣此情
太宗爲師更求同姓之國元戎叅乘別選能賢之
臣伏願覽清蒲之奏曲允微誠詔鳳凰之池特收
嚴召則天慈無濫私願獲從臣之容身便當有地
不任荒悚戰懼之誠謹詣朝堂奉表以聞

讓吏部尚書表

褚炫

竊惟玄素未辯必謬朱紫之察規矩或昧理喪方
圓之功東西兩漢左雄孤絕於前南北二晉山濤
莫嗣於後良由性藏於類才隱乎心楚越無以况
其迴殊出未足方其險阻雖復拂暗爲明免過生
智亦何以登竒收異離渭分涇

讓五兵尚書表

臣聞百舍之趙非宿春所資千里之越豈一葦能
泝何者裝輕適於路遠舟弱疲於濟深醜貌悴容

不籍鑿於淄水駕足蹇步終取蹟於鹽亭

讓封公表

柳世隆

臣聞懸旌玉塞貳師尚黜其功伐鼓炎州伏波猶懼其賞徒以兼委之施或難固辭抽心之情必無雙奪是故俛容青閣願還慈於裂壤竊步丹墀希收寵於開賦昔竄命窮雉難迫勢孤沈版未難負戶非切及顧溫青之館思結尊慈之懷累葉喁喁萃門惴惴臣事逼君親理非外獎實賴朝暮謹肅宰略遐震奔鯨外勦臣何力焉幸得扶老攜弱重

出幽堵還軸歸駟再踐鄉路豈可資國青以邀其功因豕功而饗其報遂使其霜受電之心有同於飾請皎日大河之志匪殊於貌謁

謝立皇太子賜絹表

臣聞重離在天八紘之所共仰明兩作貳萬國所以咸寧太子體岐弱載表睿冲茂典冊既升休祚方遠率土含歡遐邇均忙天情載洽慶賜必周幣帛嘉貺猥班庸劣

謝賜貂裘表

謝莊

臣莊言主衣黃達言勅賜臣貂裘匪發社開玄華
有曜靡毫柔毳黯鑑自凝固以絲越綴羣光逾緝
鷺臣聞頰笑不妄韓裳勿假續有昭庸楚纊爰達
臣歡忭自歌而同委衾之澤勤劬未報而叨解裘
之寵空荷榮施徒賁微軀承殊恩必識服以淪生
銘悅之情罔知所寘臣受假無由躬拜謹遣表
章

改封陳王謝恩章

曹植

臣既弊陋守國無效自分削黜以彰衆誠不意天
恩滂霈潤澤橫流猥蒙加封茅土既優爵賞必重
非臣虛淺所宜奉受非臣仄身所能報塞又封二
子爲公謝恩章曰詔書封臣息男苗爲高陽鄉公
志爲穆鄉公臣伏自惟文無升堂廟勝之功武無
摧鋒接刃之効天時運幸得生貴門遇以親戚少
荷光寵竊位列侯榮曜當世顧影慙形流汗反側
洪恩罔極雲雨增加既榮本榦枝葉并蒙苗志小豎
既頑且稚猥荷列爵並佩金紫施崇一門惠及父子

慶文帝受禪章

曹植

陛下以聖德龍飛順天革命允答神符誕作民主
乃祖先后積德累仁世濟其美以暨于先王王勤
恤民隱劬勞戮力以除其害經營四方不遑啓處
是用隆茲福慶光啓于魏陛下承統續戎前緒克
膺德音綏靜內外紹先周之舊跡襲文武之懿德
保大定功海內爲一豈不休哉又慶文帝受禪上
禮章曰陛下以明聖之德受天顯命良辰即祚以臨
天下洪化宣流洋溢宇內是以溥天率土莫不承風
欣慶執贄奔走奉賀闕下况臣親體至戚懷歡踴躍

中郎將謝兼司徒章

謝莊

臣聞燮理陰陽寅亮天地弗惟其官無人則闕司
徒掌敷五典職擾兆民豈悟乾靈罔匱光渥方闡
不次之任殊絕藩岳豈可權尸三事假備六符慙
震周迴顧步交悽

始安王拜征虜將軍南兖州刺史章 江淹

絢服騰炤懋冊凝芬夤對迷墜慙泣交集臣職右
南陽謝蒲鞭之政任重臨淄無遣獄之化自分金
帝關參風尹訟壁緯裁復圭露詎淹不悟旻靈拂

采霄景汰色復交書河楚置傳江吳環章清潤旂
文肅路寵艷內維榮炫外圍方梗名慮有陋莘識
冲生醜氣安以輸謝不勝荒震屏營之情

建平王慶少帝登祚章

江淹

上書皇帝陛下伏承肇嗣天震雲飛璿極戎夏歸
服民靈以戴謝中臣聞黃旗紆藻瑞益於姬帝紫雲
垂蓋効異於劉后實乃深賜天衷廣映祗迹伏惟
陛下騫英駕聖涵靈縱睿矩心明裁繩道詰時遙
裔維符雜沓河紀是以膺符寶宮輯命珍殿誼洗

雲密德徽媽夏濬發鴻原長禘鄴締方絢聲金圖
騰華玉曆波拚下岷炎躔上漢臣公莘締寵誠兼
親屏禮升之日守官楚甸不獲勉躬儲外奉敬行
間魂泣江郊心兹京國不任悲仰哽慰之情

建平王慶江皇后正位章

江淹

上書皇后殿下伏承以嘉月蕙時膺曜宸正翠珩
炤品榆組在飾休遍函下譽殷靈昧謝中伏惟殿下
岳曜靜德式懷謙順升降圖傳左右詩史夙鏡茂
資早摘芳訓故以騰馥祕閨寫問中帷今靈締載

廣曆文選 卷之九
升崇正輝典衛教紫庭麗軌華屋聲激綺組風偃
家邦黎玄湊仁雲祇宅慶遠邇有聞莫不傾渥臣
限外任無由恭列軒屏不勝荒情

蕭領軍拜侍中刺史章

江淹

上書皇帝陛下即日詔書以臣爲侍中驃騎大將
軍開府儀同三司班劍三十人等持節都督如故
峻命在庭光冊充軒虹駟聳服朱轎佇蓋寅對以
懔心影若傾謝中臣功乏至道不足以題象魏績非
振民無可以書廟閣半漏未晏中鍾而驚實忌微

庸起乘盛服竊疑國寵頓萃末躬今寰海順典瓊
都咸光調御惟新鎔製就始良宜整變憲經詮明
典締九河式耀三辰載晰不悟陛下皇靈曲溢大
賚斯降而鴻賞之行迺於臣始非所以騰振遙風
激昂品流輿人之誦具聞其黷頽路慊祈未阻鑒
順今使虔禮青軒謹躬丹墀憂符怵怡慙屬兼軫
不任屏營之情

爲六宮拜章

沈約

蓬闈菲質嘉淑無算越自幽衡登軀宸漢奉日月

之華侍巾屣之末何以廁鴛鸞之盛序奉屬車之清塵

魏帝納皇后群臣上禮文

溫子昇

臣聞軒轅乃至西陵以之作合夏后至聖塗山於是來嬪伏惟陛下龍飛績曆大明理運長秋既建陰教有主景命無窮靈基長世普天之下莫不欣躍

為陳六宮謝章

江總


恭膺禮命愧集丹縷之顏拜奉曲私愁縈翬羽之

色曾宮夜火伯媛匪驚楚謝奔濤貞姜何懼豈期日月騰影風雲寫潤遲復位崇九御聲高六列象服增華丹軒耀采何以弼佐王風克柔陰化競惶並集追想流荇之詩荷據相弁遂失鳴環之節

為晉安王謝南兗州章

臣以萊孱幼無秀業依天宅照藉海憑瀾王爵早加藩麾夙樹進不能閑詩西楚好禮北河退無以振采六條宣風萬里懷慚起愬載溢心顏而皇明輝燭照被彌遠遂乃徙旆淮區遷金濟服朱駸出

廣廣文選
卷之九
郎青組臨方瞻惟徵寵俯仰亡厝



廣廣文選卷之九

